



## Aningaasaqarnermut Naalakkersuisoq

Ulloq: 11. marts 2021  
J.nr.: 01.31.06/21-00929

### Aningaasaqarnermut Akileraartarnermullu Ataatsimiititaliap pingasunnornermi ulloq 10. marts 2021-mi aalajangiineranik Naalakkersuisunut ilisimatitsineq.

#### B-125-p Avannaata Kommunianut tunniunneqarnissaa – Suliaq nr. 01.31.06/21 - 00929.

” Naalakkersuisut inassutigaa,

- Namminersorlutik Oqartussat inissiaataat, B-125, Ilulissani Sygehusvej-imi inissisimasoq akeqanngitsumik Avannaata Kommunianut tunniunneqassasoq, tunniussinermi imatut piumasagaatitalerlugu:
  - Kommunip ukiut tallimat iluanni inissiat iluarsanneqarnissaat attartorteqinneqarnissaallu qulakkiissagaa, imaluunniit
  - Kommunip ukiut tallimat iluanni inissiat isaterneqarnissaat, nunaminertamilu nutaanik inissialiortiternermut atoqqinneqarnissaa qulakkiissagaa.
  - Kommunip B-125-mik piginnittuunini illoqarfimmi ineriartortitseqatigiiffimmut, kommunimit pigineqartumut ingerlateqqissinnaassagaa.
  - Piumasagaatit matuma siulianiittut naammassineqarsinnaanngippata, illu tamanut ammasumik neqerooruteqartitsinikkut tuniniarneqassaaq, aammalu tunisinermi iluanaarutissat ilanngaaseriikkat (tunisinermi akiusoq, allagarsiinermit aningaasartuutinik aamma teknikkimut tunngasunik ikiorserneqarnermut aningaasartuutinik, kiisalu eqqartuussissuserisumut aningaasartuutit ilanngaatigalugit) Nunap Karsianut tutsinneqassallutik.
- Kommunip tigusinissamut qinnuteqaatini utertissappagu, B-125 tamanut ammasumik neqerooruteqarfigitinneqarluni tuniniarneqassaaq.”

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Inatsisartunut qinersinissap nalunaarutigineqarnerata Inatsisartunullu qinersinerup akornani piffissami Inatsisartut sulinerannut tunngasut Inatsisartunut ilaasortanut, partiit allatseqarfiinut Inatsisartullu Allattoqarfiannut Inatsisartut Siulittaasuata qinersinissap ulloq 16. februar nalunaarutigineqarneranut atatillugu nalunaarutigisai ataatsimiititaliamit innersuussutigineqassapput.

Siulittaasup ilaatigut nalunaarutigaa:

*“Qinersinissap nalunaarutigineqarneratigut Inatsisartut pisarnertut ingerlajunnaarput.*

*Tamanna aamma atuuppoq ataatsimiititaliami sulinermut. Taamaattumillu tunngaviatigut qinersinissap tungaanut ataatsimiititaliami sulineq ingerlanneqassanngilaq.*

*Aningaasaqarnermut Ataatsimiititaliamut tunngatillugu pissutsit immikkut ittut atuupput, tassa aningaasaliissuteqarnissamik suliassat naalakkersuinermit tunngasumik imaqqanngitsut kisimik ataatsimiititaliamit suliarineqarsinnaammata, taakku inuiaqatigiit ingerlanneqarnerat eqqarsaatigalugu kinguartinneqarsinnaanngippata, tamannalu ataatsimiititaliamit tamarmiusumit isumaqatigineqarpat.”*

Suliamut matumunnga tunngatillugu ataatsimiititaliaq aalajangerpoq Inatsisartunut immikkut ittumik qinersineq pillugu Inatsisartut inatsisaat nr. 1, 18. februar 2021-meersoq (UKIU 2021/18) naapertorlugu partigruppini siulittaasut, Inatsisartunut ilaasortaaitat minnerpaamik 2/3-iinik tunuliaquteqartut aatsaat tapersiippata suliaq una suliarineqarsinnaasoq.

Taamatutaaq Inatsisartut inatsisaat nr. 1, 18. februar 2021-imeersoq Aningaasaqarnermut Ataatsimiititaliamit eqqumaffigeqquneqassaaq, tassani Aalajangersakkami (§ 6) allassimavoq:

*“Inatsisartut Naalakkersuisullu pillugit Inatsisartut inatsisaanni § 29-mi killiliussat iluanni Naalakkersuisut piginnaatinneqarput, pisariaqartumik aningaasaliissuteqartoqarsimatillugu partigruppini siulittaasut, Inatsisartunut ilaasortaaitat minnerpaamik 2/3-iinik tunuliaquteqartut akuersinerisigut, inuiaqatigiinnut pingaaruteqartunik aammalu kinguartinneqassappata inuiaqatigiinnut ajoqutaasinnaasunik allanik aalajangiinissamut.”*

Partigruppini siulittaasut taamatut akuersippata suliassaq Aningaasaqarnermut Akileraartarnermullu Ataatsimiititaliap suleriaasia naapertorlugu Aningaasaqarnermut Akileraartarnermullu Ataatsimiititaliamit inaarutaasumik akuerineqartussanngorlugu nassiuteqqinneqarsinnaavoq.

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat, ataatsimiititaliap isumaa malillugu, aningaasaliissuteqarnissamik sulianut Siulittaasoqarfiup piumasaqaataanik eqqutitsinngitsutut isigineqarmata Aningaasaqarnermut Akileraartarnermullu Ataatsimiititaliamit nalunaarutigineqassaaq, taamaattumillu suliaq siuliani taaneqartut ataatsimiititaliamit suliarineqarsinnaasutut isigineqanngilaq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua